

**Bosna i Hercegovina**  
**Federacija Bosne i Hercegovine**  
**Zeničko-dobojski kanton**  
**OPĆINA VAREŠ**  
**OPĆINSKI NAČELNIK**



**Broj: 02-141/18**  
**Vareš, 30.01. 2018. godine**

Na osnovu člana 17. stav 2. Zakona o javnim nabavkama („Službeni glasnik BiH“, broj: 39/14), i člana 96. Statuta Općine Vareš (prečišćeni tekst), broj: 01-162/12 od 11. 09.2012. godine, a u skladu sa sredstvima planiranim u Budžetu Općine Vareš za 2018. godinu, Općinski načelnik, d o n o s i

**ODLUKU**  
**o usvajanju Plana javnih nabavki Općine Vareš za 2018. godinu**

**Član 1.**  
**(Plan javne nabavke)**

- (1) Općinski načelnik s ciljem da se osigura sve što je potrebno za djelokrug rada općinskih organa, donosi Plan javnih nabavki Općine Vareš u 2018. godini, kojim se utvrđuju potrebe za nabavku roba, usluga i radova u budžetskoj 2018. godini.
- (2) Plan javnih nabavki sadrži podatke o predmetu nabavke, jedinstvenom rječniku javne nabavke, procijenjenoj vrijednosti nabavke, vrsti postupka javne nabavke, okvirnim vremenom za pokretanje postupka nabavke, okvirnim vremenom realizacije ugovora izvoru finansiranja i općinskim organima koji pokreću postupak javne nabavke.

**Član 2.**  
**(Izmjena Plana javnih nabavki)**

Ugovorni organ, zadržava pravo u slučaju opravdanog zahtjeva na osnovu odredaba Zakona o javnim nabavkama promijeniti vrstu postupka, kao i procijenjene nabavke vrijednosti na osnovu obrazloženja zasnovanog na ekonomskim ili drugim pokazateljima, kao što su značajne promjene u cijeni u odnosu na cijenu u vrijeme procjene vrijednosti, povećanje ili smanjenje količina u skladu sa promijenjenim okolnostima i slično.

**Član 3.**  
**(Odluka o pokretanju postupka javnih nabavki)**

- (1) Za sve nabavke predviđene Planom javne nabavke obavezno je donošenje odluke o pokretanju postupka nabavke u formi i sadržaju u skladu sa članom 18. Zakona o javnim nabavkama.
- (2) Sredstva predviđena za neplanirane nabavke mogu se koristiti na temelju pojedinačne odluke koja se zasniva na obrazloženom zahtjevu o nužnosti i utemeljenosti nabavke koja se nije mogla predvidjeti u vrijeme donošenja Plana javnih nabavki, u slučaju ovakve situacije ugovorni organ zadržava pravo da naknadno izvrši dopunu Plana javnih nabavki.

**adresa:** Zvijezda 34, 71330 Vareš  
**identifikacijski broj:** 4218285300002  
**depozitni račun Unicredit banka:**  
3380002210017420

**tel.:** 00387 32 848 100;  
**fax:** 00387 32 848 150;  
**web:** www.vares.info  
**e-mail:** vares@bih.net.ba

